



正編 卷二百八十四之二百八十七

中興禮書第二百八十四卷

凶禮四十九

安恭皇后

發哀

乾道三年六月二十五日禮部太常寺言准尚書省劄子今月二十五日皇后上僊奉聖旨應干合行典禮令禮部太常寺討論申尚書省今討論下項一檢照孝明皇后感故皇帝初發哀服白羅衫黑銀帶乞令文思院製造赴御藥院送納一檢照章穆皇后故事遷座于萬安宮宰臣王旦等見帝于萬安殿之別次奉慰是日輔臣節度使兩省五品尚書省四品諸司三品以上並入臨於萬安宮庭文武百官諸軍將校內諸司使副

以上並臨於宮門之外乞從御史臺等處告集文武百僚赴別殿門外立班發哀內諸軍將校依禮例於本營發哀一檢照懿節皇后上僊禮例臨安府見在寄居待闕官不該赴別廟立班文武百官乞依禮例並赴臨安府公廳發哀一檢照懿節皇后上僊典故發哀日時前皇帝自內服常服至御帳俟時將至皇帝就幄易皂幩頭白羅衫黑銀帶百僚就幕次去金玉飾服皂角帶次百僚入詣別殿下並北向立定俟時至皇帝就幄內舉哭百僚就位皆舉哭畢退皇帝服皂幩頭白羅衫黑銀帶還內欲乞依上件禮例一發哀時太史局選定宜用今月二十五日坤時一檢照懿節皇后上僊禮例合聲鐘五萬杵欲乞令臨安府裏外諸寺院自六月二十五日為

始共聲鐘五萬杵一檢照懿節皇后禮例依故事百司行移欲並稱太行皇后詔依同日又言皇后上僊所有皇太子親王發哀之服合欲比做禮例於百僚發哀時前入詣本殿服皂幩頭白羅衫黑角帶發哀其幩頭衫帶並乞令文思院製造詔依同日詔差賈竑充都大主管官七月一日禮部太常寺言大行皇后上僊依禮例合奏告天地宗廟社稷天慶觀報恩光孝觀太一宮諸陵攢宮所有合排辦事件依自來奏告禮例排辦據太史局選用七月四日巳亥依例分作兩日行禮其奏告官天地社稷宮觀乞差侍從宗廟諸陵攢宮乞差南班宗室詔依

寶彝堂
乾道三年六月二十五日禮部太常寺言今來皇后上
僊檢照章穆皇后典故按孝明皇后故事皇帝未成服
羣臣日赴萬安宮一臨今欲乞依禮例皇帝未成服文
武百僚赴別廟日一臨詔依
同日又言今來皇后上僊文武百僚赴別殿入臨合用
香五合乞令入內侍省請降付本殿其香案香爐炭
火匙合等並乞令都大主管所下諸司排辦詔依
二十六日禮部太常寺言皇后上僊今檢照懿節皇后
上僊禮例六月二十八日文武百僚赴別廟入臨緣同
日係欽慈皇后忌辰行香日分委有相妨今欲乞除皇
太子親王赴臨立班外其文武百僚止赴赴景靈宮行
香免赴入臨詔依

入臨儀

其日文武百僚服常服守和寧門入赴皇城門幕次去
金玉飾易黑帶以俟皇太子親王詣殿下兩拜訖引皇
太子升殿詣香案前三上香退復位舉哭十五音兩拜
訖退次御史臺閣門太常寺分引宰執文武百僚詣殿
下立班定揖躬兩拜訖禮直官引班首升殿詣香案前
三上香訖退復位舉哭十五音兩拜訖退歸幕次易吉

帶退

內有職事相妨免赴立班

不停祭

乾道三年六月二十六日禮部太常寺言皇后上僊今
檢照懿節皇后禮例未祔廟以前所有宗廟祭及中小
祀特不停罷今來皇后上僊未祔廟之前乞依禮例祀

祭特不停罷詔依

禁樂

乾道三年六月二十六日禮部太常寺言今來皇后上
僊欲乞依懿節皇后禮例除祭天地宗廟社稷用雅樂
外其餘祀祭雅樂欲乞備而不作其行在樂自舉哀後
權行禁止俟祔廟畢日舉用及乞依禮例指揮下日令
臨安府禁屠宰一日詔依
同日又言今來皇后上僊成服欲乞依禮例諸州軍并
所屬縣鎮候指揮到日管內寺觀修監道場三晝夜并
禁樂三日及禁屠宰一日詔依

小斂

乾道三年六月二十五日皇后上僊都大主管所奏太

史局選大行皇后寄梓宮小斂宜用六月二十六日壬
辰時宜用坤時詔依

大斂

乾道三年六月二十六日禮部太常寺言據都大主管
所申太史局選大行皇后梓宮大斂破服立銘旌宜用
七月二日丁酉收髮掛服立重宜用七月七日壬寅竊
緣自大斂至掛服相去日分差遠今檢照昨顯仁皇后
故事係九月二十日上僊二十三日大斂破服立銘旌
收髮掛服立重並用當日所有今來大行皇后大斂破
服立銘旌掛服立重欲乞依昨顯仁皇后體例並用七
月二日所有時刻乞下太史局選擇詔依

銘旌時宜用其日乙時掛
服立重宜用其日丁時

二十七日禮部太常寺言今來大行皇后上僊大斂今
檢照禮例條具事件下項 一大斂時前依禮例都大
主管官先行祭告禮 一合用祝文一首述以大行皇
后大斂時前
告之禮行祭意乞下學士院修撰 一合用御封降真香一
合乞下入內侍省請降 一供養茶酒果祭食并香
案香爐匙合炭火燎草拜褥等係諸司排辦詔依
二十八日禮部太常寺言今來大行皇后上僊大斂畢
欲乞皇太子皇子詣大行皇后殿下再拜訖皇太子升
殿三上香跪奠茶酒降復位舉哭再拜訖退詔依

大斂儀

其日俟排辦訖大斂時前都大主管官詣香案前北向
再拜訖搢笏上香再上香三上香跪執盞酌茶三奠酒

執笏悅伏興少立俟剋擇官讀祝文訖請再拜訖俟時
大斂

成服

乾道三年六月二十五日禮部尚書周執羔等劄子今
來皇后上僊依典故文武百僚合服齊衰布頭冠白幘
頭大袖襖衫腰經依故事三省樞密院主事以上係主
事
上有官人服并御史臺閤門太常寺引班祇應人各合
孝服餘不服服孝服今欲乞依上件故事製造內引班無官人止服
布幘頭大袖襖衫腰經並乞下臨安府製造兼契勘見
任職事官合製造孝服外所有寄居待闕文武官依例
給布一疋自行製造劄下臨安府依所乞事理施行
二十六日禮部尚書周執羔等劄子今來皇后上僊檢

照孝明皇后崩皇帝成服服齊衰布頭冠幘頭大袖襪衫裙袴腰經桐杖皇子亦衰服加布斜巾帽首經絹襯服所有今來皇帝皇子太子皇子所服欲依上件典故其皇太子妃并皇太子夫人所服別無的確典故外今欲比附公主典故服布帕頭幘裙衫首經絹襯服並乞下文思院製造內皇帝衣服赴御藥院送納及檢照懿節皇后故事皇帝成服並服孝明皇后禮例製造續奉指揮不用桐杖欲乞依上件禮例詔依同日禮部太常寺言今來皇后上僊今檢照懿節皇后典禮參酌討論下項一勘會行在諸軍將校已降指揮於本營發哀外所有將來成服依禮例除統制統領官成服外其餘將副并部隊將管隊使臣并散使臣陞

朝官以上及將校副指揮使以上常服哭於本營廳事三日而止其常日朝殿祇應排立行門禁衛班直將校副指揮使以上御前忠佐百官赴臨去色衣臨於殿門外今欲乞依上件禮例施行一勘會外駱駐劄諸軍去處依禮例合就所屯軍去處俟報到自副將而上成服其餘部隊將至副指揮使以上並常服哭於本營廳事三日而止今欲乞依上件禮例內沿邊州軍駐劄去處依禮例更不舉哀依指揮下日令進奏院關報詔依同日又言今條具下項一依禮例諸路監司州軍縣鎮長吏以下合服布四脚係幘直領襖衫上領腰經以其所造衣服乞令所在州軍製造一欲乞依禮例行在并諸路州軍縣鎮士庶於本家素服三日而除婚嫁

除服後不禁州行在自成服日為始諸路一欲乞依禮例

沿邊州軍縣鎮並不舉哀一逐項事理候今降指揮

下日令進奏院遍牒契勘士庶素服依禮例係去顏詔

依衣止服淺淡裏青皂頭巾

同日又言今條具下項一御前禁衛行門班直親從

快行親行輦官自皇帝成服後如遇朝殿等欲乞依禮

例並服紫衫黃帶子頭帽至皇帝釋服了日依舊一

將來文武百官成服後有乘花繡羈者欲乞依禮例並

易以皂羈至釋服日依舊詔依

二十七日禮部太常寺言檢會欽聖憲肅皇后上僊二

第及顯仁皇后上僊韋誼等姪並服衰服終三年之喪

若入皇城門權易黑衰由權開門入出所有逐七百日

止合在家設位行禮其掛服日合於當日掛服時內於

權開門外便服衰服入赴立班所有今來大行皇后之

弟夏執中欲乞依上件禮例詔依

同日禮部尚書周執羔等劄子大行皇后上僊已檢照

典禮乞降指揮皇太子皇子亦齊衰服加布斜巾帽首

經緇襯服攷之禮記問喪篇有子不用杖之文為尊者

避故也今欲依禮經更不用杖詔依

同日禮部太常寺檢照懿節皇后上僊禮例言皇帝成

服并釋服日及釋服後至祔廟前遇朔望日皇帝不視

事文武百僚於常御殿門外進名奉慰所有今來大行

皇后上僊欲乞依禮例皇帝成服并釋服日及釋服後

至祔廟前遇朔望日皇帝不視事文武百僚於後殿門

外進名奉慰詔依

寶華堂

同日又言成服畢皇帝行祭奠之禮今檢照懿節皇后
典禮條具下項 一合用香案香爐匙合炭火湯瓶注
碗盤盞托奠茶酒孟子鈔鑪盆臺燎草等并焚祝版燎
草燈火並乞從都大主管所下諸司排辦 一合用御
幄施廉於別殿側隨地之宜并御座黃羅裯褥奏請紫
褥乞下儀鸞司排辦 一合用祝文一首述以皇帝為
大行皇后成
服訖行祭 乞下學士院修撰 一合用御封降真香一
合乞下入內內侍侍省取降 一合差讀祝文官一員
於史官內差 一合差侍香并進茶酒捲簾舉祝版內
侍乞下入內內侍侍省差 一合差定時刻澤官二名乞
於都大主管所剋擇官內差殿一名于殿內一名入一成

服日至時如遇雨降泥濘乞令文武百僚止於別殿門
外幕次俟時掛服訖隨地之宜權立止乞宰執及見今
赴臨入殿立班官於殿門內外隨宜立班 一合差前
導太常卿一員贊引太常卿太常博士一員乞差太常
寺少卿博士充 一依禮例成服日百司作休務假一
日詔依

二十八日禮部太常寺言今來大行皇后上僊成服日
皇帝行禮欲乞皇太子皇子詣殿下同百僚立班詔依

二十九日禮部太常寺言所有其餘日皇太子
皇子至大行皇后宮中哭泣如家人之禮詔依

同日又言成服畢欲乞至日俟文武百僚後殿門外進
名奉慰訖次詣德壽宮殿門外進名奉慰光堯壽聖太
上皇帝次移班稍東進名奉慰壽聖太上皇后詔依

同日又言儀鸞司狀契勘所管陳設係是日常應奉之物所有今來應干釘設所用陳設名色亦各下所屬討論指定若有改易名色候指揮下日報臨安府兩浙轉運司製造關借禮畢拘收奉聖旨依令禮官討論指定除大行皇后殿陳設合用白素外所有殿側所設帳次用青素其餘陳設係是時暫即難改易詔依
同日又言今續次討論合行典禮 一今來大行皇后上僊欲乞依懿節皇后禮例成服日百官服常服吉帶入皇城門内幕次服衰服立班訖就次易常服去金玉帶魚袋服黑帶進名奉慰訖出皇城門其第二第三日入臨准此唯不奉慰至釋服依舊 一昨顯仁皇后例文武官成服入臨并奉慰訖既出內門並服白頭巾素

服白帶子所有今來文武官成服入臨并奉慰後在外所服乞依上件禮例至除服日依舊 一今來成服日三省樞密院等處無官人欲乞依懿節皇后禮例素服三日詔依

二十九日禮部太常寺言今具昨懿節皇后禮例參酌申請下項 一成服三日每日朝臨文武百僚並合詣別殿立班係於七月二日朝臨其行禮儀注即合依見今入臨儀注 一合用香三合乞令入內內侍省請降付本殿其香案香爐炭火匙合等乞令都大主管所下諸司排辦 一依禮例入內內侍省并內侍省官所服孝服若隨從車駕至几筵殿即合服著所有今來入內內侍省官所服孝服欲乞依上件禮例若隨從車駕至大行

皇后別殿即合服著詔依

同日禮部尚書周執羔等言今來光堯壽聖太上皇帝壽聖太上皇后舅姑為婦雖是服期檢照國朝會要典故即無該載止有為宗室大功以上親合舉哀成服凡發哀設次於後苑壬地前一日所司預於舉哀所設幕殿周以簾帷色用青素服素白羅衫皂幘頭黑銀腰帶行舉哀成服禮今來光堯壽聖太上皇帝欲乞比附上件禮例外壽聖太上皇后所服禮制今參酌會要典故合服碧羅帕頭帔白羅寬袖衫淡黃縠子裙欲乞依上件禮例於七月二日成服時於德壽宮後苑壬地設帷為大行皇后舉哀成服之禮所有合造衣服乞下文思院製造供進其儀範令太常寺檢會供報伏乞特賜敷

奏德壽宮取旨恭奉太上皇帝聖旨依禮官擬定

成服儀

其日時禮直官太常博士太常卿先詣幄前立俟皇帝自內服皂幘頭白羅衫黑銀帶絲鞋詣別殿側御幄即坐簾降俟時至禮直官太常博士引太常卿當幄前俛伏跪奏太常卿臣某言請皇帝為大行皇后上僊成服奏訖伏興太常卿太常博士禮直官皇帝釋素服服期服文武百僚於別殿御史臺閣門太常寺報引文武百僚入詣殿門內外隨宜立班定禮直官先引讀祝文官詣香案之西東向立俟皇帝服期服訖閣門報班齊在位官皆再拜訖簾捲禮直官太常博士太常卿前導皇帝出幄詣香前奏請上香再上香三上香內侍進茶酒

又奏請皇酌茶三奠酒又奏請少立讀祝文官東向跪讀祝文訖奏請皇帝舉哀在位官皆舉俟哭哭止又奏請致欽不拜前導官前導皇帝在位官皆再拜俟皇帝歸幄次文武百僚前導官退歸次換常服黑帶詣後殿門外進名奉慰訖退

殿攢

乾道三年七月一日禮部太常寺言今來大行皇后上僊檢照章穆皇后懿節皇后禮例俟大斂訖合選日殿攢今來大斂已定七月二日所有殿攢日時及祭土時并殿攢方位太史局選用七月七日壬寅祭土殿攢時並宜用當日丁時殿攢方位宜於本殿東南利方吉詔依

二日禮部太常寺言今乘大行皇后梓宮殿攢今條具下項一依禮例殿攢日不視事羣臣奉慰一殿攢

合用柏鑿籠帳及合用物色等欲乞依禮例令都大主管所下所屬排辦一殿攢日百司作休務一日一

殿攢日百司合用御封降真香二祝文二首一首述以

殿攢時前遣官行祭告之意一首述以一合於大行皇

皇帝為大行皇后殿攢行燒香禮之意后殿側設青素御幄施簾設裊褥等合用香案器皿等

差前導讀祝文官侍香等內侍官等欲乞並依成服禮例一合用祭告并行燒香禮供養食并茶酒果乞都

大主管所行下諸司排辦一殿攢時前祭告行禮官

欲乞差都大主管官一檢照顯仁皇后殿攢行禮日

百官已釋服皇帝未釋服所有陪位立班官係用成服

日臨於殿庭立班官易衰服陪位其班于殿門外官不入陪位止令常服去飾以俟奉慰畢退今來大行皇后殿攢行禮陪位立班官并奉慰欲乞並依上件禮例內殿攢行禮陪位欲乞皇太子宰執親王使相侍從兩省臺諫見任卿監郎官管軍知閣橫行御帶環衛官立班詔依

殿攢時前行祭禮儀

其日俟排辦足備引都大主管官常服黑帶詣大行皇后梓宮前北向再拜訖搯笏跪三上香奠茶三奠酒訖執笏俛伏興少立陰陽官讀祝文訖都大主管官再拜訖以俟太史局執時及引都大主管官監視殿攢

殿攢皇帝行禮儀

其日文武百官常服吉帶入皇城門幕次合赴殿庭陪位官就次易衰服以俟陪位其班于殿門外官就次易常服黑帶以俟奉慰俟殿攢訖御史臺閣門太常寺分引行事陪位官入詣大行皇后殿攢殿下就位立班定讀祝文官於香案前立前導太常卿太常博士禮直官並於御幄之前立皇帝服期服詣幄即座閣門報班齊禮直官太常博士引太常卿當幄前俛伏跪奏太常卿臣某言請皇帝為大行皇后殿攢行燒香之禮奏訖伏興退復位在位官皆再拜訖簾捲前導官導皇帝出幄詣大行皇后梓宮香案前上香再上香三上香內侍進茶酒又奏請奠茶奠酒再奠酒三奠酒奏請少立讀祝文官東向跪讀祝文訖又奏請舉哭皇帝舉哭在位官

皆舉哭俟哭止又奏請致欽不拜前導官前導皇帝在位官皆再拜皇帝歸幄簾降陪位前導官退歸幕次換常服黑帶以俟與侍班奉慰文武官並詣後殿門外進名奉慰訖次易吉帶退

御殿

乾道三年六月二十八日禮部太常寺言今來天行皇后上僊檢照章穆皇后懿節皇后禮例羣臣釋服後皇帝便殿視事權易忌日之服俟皇帝釋服後常服前殿視事今欲乞依上件禮例兼契勘見今係後殿坐亦乞依已降指揮施行詔依
七月五日閤門言為大行皇后上僊皇后帝釋服畢自今月九日後殿坐詔依

閏七月四日禮部太常寺言閏七月三日至七日緣係在安恭皇后梓宮啟攢未發引之內并閏七月十八日卒哭并二十一日祔廟日依已降指揮前後殿不視事所有七月八日安恭皇后梓宮發引掩攢畢其已後視事日分理合酌宜申請今欲乞除九日虞主回奉迎十日旬假十一日祔廟受誓戒十五日望日奉慰二十日祔廟前一日致齋並前後殿不視事其餘日分並乞依先降指揮後殿坐

內閏七月九日俟奉迎虞主畢作休務假詔依

按地

乾道三年七月二十禮部太常寺言今檢照章穆皇后故事命內侍左班副都知閤承翰為園陵按行使入內副都知藍繼宗副之昨昭慈聖獻皇后橫宮止差入內

增展所有大行皇后橫宮內圍牆乞隨宜修奉 一臣
等契勘今來所按上件地段如太常寺看詳得其地委
無妨礙伏望睿旨許臣等標劄神冗神園 一太常寺
勘會按視到地一段尋再取到太史局狀若降指揮許
用上件地段候指揮下日本局指引於安穆皇后皇后
橫殿東一列標劄神冗神園本寺今看詳即與典禮別
妨礙詔依

同日大行皇后橫宮按行使司言相視到大行皇后神
冗地段今有合申事件 一將來大行皇后神冗若降
指揮許用今來相視到安穆皇后橫殿東地段合行依
例擇日差官祭告安穆^皇后畢應時差修奉人匠除去妨
礙窠水圍牆屋宇等次行標劄神冗 一合用御封降

真香一合祝文一首

述以為修奉大行皇后神冗神園
除去妨礙窠木圍牆籬寨屋宇等

祭告之意

一合差祭告官一員依禮例係從按行使司就

差本司幹辦公事屬官文臣充所有今來按行使司幹
辦公事屬官並不曾差置欲乞從按行使司牒臨安府
差職官一員充祭告官并太祝一員並前一日赴修吉
寺致齋至日行事 一祭告日時乞令剋擇官選定申
按行使司行下所屬排辦 一供養牙盤食茶酒果等
並乞下臨安府排辦 一奠茶酒孟子鈔鑪盆臺香爐
匙合椀楪茶酒盞等並乞令安穆皇后橫宮司排辦
一祭告并祭土破地吉日時刻宜用七月十八日丁時
隨時除去窠水等標劄神冗祭土破地時宜用其日辛
時並宜於正北偏東癸位興工 一禮直官狀檢照昨

顯仁皇后橫宮禮例祭土行禮已降指揮係令按行使
或副使前去祭土行禮所有今來大行皇后橫宮祭土
欲乞按行使行禮按行副使陪位詔依
十六日按行使司言據禮直官狀今來大行皇后橫宮
欲乞禮例俟修奉將畢按行使副於發引前恭詣橫宮
按行瑩域畢回次至大行皇后梓宮發引日再詣橫宮
俺掩橫奉辭畢回詔依

修奉橫宮

乾道三年七月一日禮部尚書周執羔等言今來皇后
上僊所有將來橫殯去處伏乞朝廷敷奏取旨詔就安
穆皇后橫宮二日禮部尚書周執羔等言今檢照差修
奉官典故章穆皇后園陵命入內副都知藍繼宗內殿

崇班張繼能三陵都監康仁遇高品閻文度同監修園

陵步軍都虞候鄭誠為都鈐轄孫正辭副之昭慈聖獻

皇后橫宮修奉總管差韓世忠修奉都監楊公弼顯仁

皇后橫宮修奉總管差趙密都監差王晉錫承受差馮

孝宗候指揮詔修奉總管差郭振都監差林肇劉慶祖

劉慶祖宋會要七月一日臣僚上言臣竊見都大行皇

官次日又置承事官一員其得日又置主支官二

員其處二員又置主支官一員其得日又置主支官二

屬無慮二十員各支破請給驛券至於逐科銀絹日

食錢不及更卒差乞併而支雖名比舊三分減一

之已不勝計欲乞併而支雖名比舊三分減一

領以充添破請受二日費詔以主吏人數制為日限

祇為修奉總管承內內侍省押班林肇為都監及

四日詔委差姜銑應辦大行皇后橫宮營造并錢糧
六日禮部太常寺言依故事修奉橫宮合用十二神等
係工部下文思院計會太史局修置詔依
七日禮部太常寺言准尚書省劄子主管侍衛步軍司
公事郭振入內內侍省押班林肇狀准勅差太上皇后
上僊修奉橫宮總管都監其合行事件欲乞參照昨修
奉顯肅皇后顯仁皇后橫宮前後已得指揮今來修奉
橫宮事干典禮合用上下宮制度等乞下禮部太常寺
討論降下圖本修奉奉聖旨依今討論欲令修奉官司
參酌比附安穆皇后橫宮體式隨宜修奉所有神御下
宮依禮例係就安穆皇后橫宮下宮殿內一就安奉亦
乞令修奉官司隨宜添修詔依

同日詔差周淙同姜銑應辦大行皇后橫宮營造并錢
糧

十二日禮部太常寺言准尚書劉劄子大行皇后橫宮
修奉使司狀契勘大行皇后橫宮修奉應合用竹木磚
瓦灰石等物料已令漕臣應副今來合先次下手斫事
磚瓦石段等工役伏乞朝廷下有司討論指定下手興
工并破土日分及祭告禮例降下以憑遵守奉聖旨令
禮部太常寺討論申尚書省今具下項 一下手斫事
磚瓦石段等工設興工日分欲乞令修奉使司下太史
局選定俟香祝降到安穆皇后橫宮於所選興工日五
更發告其破土日分係按行使已行選定 一今來橫
宮興工緣附近安穆皇后橫宮依禮例合行祭告合用

御封降真香一合祝文一首

述以修奉大行皇后櫬及宮下以俯近興工之意

合用牙盤食茶酒果等并差祭告官太祝各一員並依按行使司體例關報所屬排辦差官詔依

二十二日禮部太常寺言准都省批下檢察宮陵所申乞立大行皇后櫬官司名事批送禮部指定申尚書省今指定欲稱安穆皇后安恭皇后櫬官司名為名詔依

閏七月一日禮部太常寺言准都省批送下安恭皇后櫬宮總護使居廣申契勘舊例櫬宮修奉一切畢工總護使定日前往檢視緣當來係在紹興府今來安恭皇后櫬宮止在臨安府將來畢工竊恐朝廷前去檢視未審居廣更合與不合依舊例前去檢視批送禮部太常寺看詳申尚書省看詳今來安恭皇后櫬宮將來畢

工欲乞依例令總護使前去檢視詔依

中興禮書第二百八十五卷

凶禮五十

安恭皇后

議謚號

乾道三年七月一日禮部太常寺言國朝園陵故事尚書省集官擬謚係用侍從臺諫以上并禮官集謚六曹郎官以上書謚今來大行皇后集謚欲依上件故事伏乞朝廷取旨降下集謚日分太史局選到七月七日壬寅二十一日丙辰詔用七月七日

同日又言檢照孝明孝惠皇后典故俟百官議定謚號制下之後行用之前止命官告太廟訖上於靈座今來來大行皇謚號乞依上件典故俟集官議定謚號勅下

後奉用之前遣官奏告太廟別廟訖奉謚用寶上於靈座詔依

同日又言今來大行皇后上僊依禮例合差撰議官一員詔差王曦

六日禮部太常寺言今來俟謚號勅下後奉用之前依

安穆皇后禮例遣官奏告太廟別廟今具合行事件下

項一奏告日辰候勅下日乞令太史局選定一合用

御封降真香一十三合祝文一十三首

用前期奏告之意一合用白幣一十三段各長一尺熟白絹充

一奏告每室各合用酒脯鹿麩茅蠟燭上香水炭等並

乞令臨安府排辦一奏告官一員依禮例係差南班

宗室充一光祿卿奉禮郎太祝太官令各一員乞令

太常寺官充詔依

十七日禮部尚書周執羔等言臣聞厚載承乾備動靜

有常之德靈陰儷日全著明莫大之功惟君宅尊立后

作配蓋五教天叙之典而二南王化之基以綱大倫以

熙內治嬪虞之媯汭翼夏之塗山或來嫁于周京或親

迎于渭涘自家而刑國振古而至今是故建位而按漢

儀生則冠長秋之號定名而攷周謚沒則流永世之芳

揆厥所元誠百王不易之彝憲也恭惟大行皇后軒象

鍾輝層沙儲慶出炳倪天之異蚤彰偃月之休淵覩其

衷柔明而慧哲玉粹其度和懿而溫文自相宗藩肆媿

宸極居守箴圖謹法度也動循環珮肅威儀也澣濯而

服崇節儉也鷄鳴而起勤輔佐也弗邇濯龍之游而思

賢之憂切弗紊貫魚之序而建下之仁均有警戒之道而屢省休成無險詖之心而盡捐私謁至若靈成於九廟致養於兩宮衡統紘緹隆禮以奉宗祀之重總筭櫛縱思媚以盡婦道之常以贊奉先之誠以助寧親之孝此徽德令範遐哉卓乎不可尚已芳齡未究淑命弗融黃屋興悲彤闈隕涕禕禴之不御詔典冊之可稽問諸外朝謀及卿士參之大同殆將熙鴻號於無窮也謹按謚法曰莊敬盡禮曰安敬事尊上曰恭大行皇后中正齊莊率履弗越茲不曰安乎雍怡祇順謹事匪懈茲不曰恭乎揚甚盛之名表最高之行豈不慰神心而當輿議哉伏請謚號曰安恭皇后謹議詔依十九日給事中兼直學士院兼侍講王暉奏臣伏奉勅

命差臣撰大行皇后謚號者臣謹上議曰歷選列辟之興必有內治之助四妃登于帝學二女釐于有虞塗山翼夏后之昌太姒配文王之聖於時謚行未及婦人中古以還禮文聿具則有備物顯冊極位號於生前祿典愍書致追崇於歿後有若安正順承以象坤元之至直方敬義以昭地道光之乃知揚徽音表懿行受大名而惟稱節壹惠而可書垂百世以常存有兩言而可定恭惟大行皇后玉粹其度淵靚而衷慶推渭涘之祥德載河洲之美日角偃月則異表之茂龍星麗天則正位之符厥自禴翟撰儀穀圭啟瑞金螭玉檢以焜耀於宮壺文織絲組以寅奉乎齊明無險詖私謁之心有警戒相成之道若其服勤蘋藻率以禮也動中環佩翼以敬也

袿裳無飾節以儉也貫魚有序施以恩也謹七篇之誠躬四行之先何其賢也玩聲詩之長得風雅之致何其文也方饗紫闈之奉俄罹白柰之詳想遺音而不聞悵陰儀之遂闕萬目痛新宮之飾皇心懷故劍之悲宜陳誅行之文以正易名之制謹按謚法莊敬盡禮曰安敬事尊上曰恭今大行皇后防抑逸欲而內無出聞之言杜絕奢盈而權無私昵之授非莊敬盡禮乎勞心曲體以躬嬪則之柔秉禮含章以謹尊親之奉非敬事尊上乎伏請上謚號曰安恭皇后詔依

奉謚冊寶

乾道三年七月四日禮部尚書周執羔等言今來皇后上僊今檢照禮例合行修製謚冊寶并沿用寶法物今

欲乞依禮例施行詔依

同日禮部太常寺言今來大行后皇奉謚冊寶依禮例合差撰謚冊文官一員書謚冊文官一員篆謚冊文官一員詔撰謚冊文官可差將帑書謚冊文官差陳俊卿兼篆謚冊寶文官

九日禮部太常寺言將來奉大行皇后謚號冊寶上於靈座前行禮今檢照懿節皇后禮例條具事件下項一奉謚冊寶日依禮例皇帝前後殿不視事是日百司作休務假一日一奉謚冊寶上于靈座前禮畢日依禮例文武百僚詣後殿門外進名奉慰一依禮例合前二日奏告天地宗廟社稷宮觀一奉謚冊寶上于靈座前合用御封降真香一合所有太傅以下行事官

并陪位文武百僚依禮例並服常服黑帶權去金玉飾
立班行事 一靈座前用香爐匙合等乞從都大主管
所行下所屬排辦其合用供養食茶酒果乞從主管諸
司排辦 一行禮畢其諡用寶并沿用寶法物依禮例
於別殿安奉令本殿官交割收管至發引日降出交付
禮部陳列 一修製諡用寶了畢擇日行奉諡用寶之
禮欲乞依例令文思院約度畢工月日申太常寺下太
史局選定日辰報本寺申請 一依禮例專差內侍官
二員掌管進呈諡用寶訖降出乞下入內侍省差官
乞令文思院於奉諡用寶上於靈座行前禮二日奉諡
用寶計會所差內侍進呈訖於前一日降出詣祥曦殿
門外交付禮部以俟從衛至諡用寶幄安奉至日行禮

一今來奉諡用寶上於靈座前合差都大主管官一
員乞就差大行皇后喪事都大主管官一就主管施行
一依禮例奉諡用寶太傅以下行禮官都大主管官
等並各於奉上前一日宿齋令欲乞前一日太傅自祥
曦殿門外從用寶至幄次退宿齋於都堂其餘行禮等
官並宿齋於本司至日絕早起別殿行禮 一合差讀
寶官一員讀用官一員乞差侍從官舉用官二員舉寶
官二員差禮部太常寺官並前一日宿齋於本司詔依
同日禮部太常寺言將來大行皇后奉諡用寶上於靈
座合差太傅一員依禮例係差宰臣詔依
十七日禮部太常寺言奉諡用寶上於靈座前合用日
辰太史局選用七月二十四日己未時宜用其日乙時

詔依

同日又言今來大行皇后諡號已降勅下欲乞應干行移等依禮例候奉上諡號用寶了日合稱安恭皇后其修製諡號用寶內寶文欲乞以安恭皇后之寶六字為文詔依

十八日禮部太常寺言七月二十四日奉大行皇后諡用寶上於靈座前依禮例前二日奏告天地宗廟社稷天慶觀報恩光孝觀太乙宮各合差奏告官一員乞差侍從內宗廟差南班宗室詔依

二十一日大行皇后喪事都大主管所言據太史局狀今月二十四日大行皇后奉諡用寶畢合依立安恭皇后銘旌時宜用其日丁時所有換下大行皇后銘旌宜

於本殿正南偏西丁位歲空方焚燒詔依

諡用文

維乾道三年歲次丁亥七月丙申朔二十四日己未皇帝詔曰古我先王必立厥配釐爾女士爰御于邦治蓋自於家齊風實繇於近始茲本人倫之至式恢王化之基帝女子時乃降偽汭天作之合是嬪周京睠于內助之良媿彼前聞之懿方共資於淑範俄永謝於徽音重翟副珈生既有以極其寵襃章慈用沒則有以揚其休大行皇后夏氏婉嫕而純明閑和而靖順卓爾挺操在河之洲穆然凝輝于渭之涘蚤兆玉衣之瑞合承金幄之華含章在中發秀于外粵從初載實相潛藩肆朕纂承嘉乃輔佐夙夜警戒而有相成之道朝夕思念而無

私謁之心推樛木逮下之仁樂闕雖進賢之義服澣濯而崇大練以純儉為民彝謹珩璜而應和鸞以肅雝為嬪則造次動遵於圖史從容雅播於聲詩鷄初鳴而至寢門同謹兩宮之問蠶於郊而供祭服每虔九廟之承薦榛栗於舅姑奉粢盛於宗廟朕方上隆孝道親親而天下平爾能中叙壺儀婦婦而家道正自建長秋之位甫臨再閏之期何馳隙於分陰頓沉光於曉魄當厚飾終之典用摠悼牲之懷訪厥攸司諏之列辟按柔芳於彤管考茂實於椒塗大酌僉前共熙鴻號謂治內盡安行之德宜循由舊之稱謂奉上竭恭事之誠宜表最高之行備陳顯數克播令猷謹遣攝太傅左正奉大夫守尚書左僕射同中書門下平章事葉顯奉寶冊諡曰安

恭皇后伏惟哲靈如存休問不息責于太史光於清祏於萬斯年與宋無極嗚呼哀哉

奉諡冊寶告於靈座儀

奉諡冊寶前一日其日奉諡冊寶太傅讀冊寶官舉冊寶官並常服守和寧門入詣祥曦殿門外幕次太常寺贊引人禮部職掌及援衛親從贊官等並於殿門外隨地排立以俟掌管進呈諡冊寶內侍請降諡冊寶出祥曦殿以授禮部於殿門上權置定次禮直官引太傅已下詣殿門下隨地立班再拜訖如值雨或霑濕免拜權側身立俟有司奉迎援衛等進行太傅以下後從都大主管官往來照管至諡冊寶帷次禮部職掌捧諡冊寶詣帷次權置定訖太傅退宿齋於都堂其餘行禮官並宿齋於本

司捧用寶職掌援衛祇應人並於用寶帳次之側宿衛
奉上謚用寶日其日太傅讀用寶官舉用寶官並文武
百僚並常服吉帶守和寧門入詣幕次換黑帶內太傅
讀用寶官舉用官詣權安奉用寶帳次有司捧用寶出
帳太傅已下步從至攢殿下稍西東向褥位權置定用
北寶南太傅已下權退歸幕次俟有司排辦香火等畢
備御史臺閣門太常寺分引文武百僚詣橫殿下及殿
門外隨地之宜立班定次禮直官引讀用寶官詣用
寶案之後褥位東向立次引舉用寶官於讀用寶
官之後立次引太傅詣殿下西向立禮直官贊太傅躬
拜在位官皆再拜訖次引太傅升殿詣大行皇后香案
前搢笏上香再上香三上香跪一盃茶三奠酒執笏俛

伏興再拜訖降階復位少立次再引太傅詣殿下北向
褥位俛伏跪奏稱太傅臣某言奉詔奉上大行皇后謚
用寶奏畢俛伏興退復位次引舉用官詣用案搢笏跪
舉用匣興凡舉用寶皆禮部職掌助舉職掌先捧用案升詣殿上香
案前置於褥位北向次舉用官舉用行次引太傅搢笏
捧用升殿至褥位北向跪奠用匣於案上太傅執笏興
少退稍西褥位東向立次舉用官執笏興少立次引讀
用官升殿詣用案之後北向立舉用官搢笏跪舉用次
讀用官搢笏跪讀用訖執笏興次引太傅及讀用官俱
降階復位立舉用官奠於匣次舉用匣興職掌先捧用
案於殿上稍東褥位位置定舉用官舉用匣跪於案上舉
用執笏興降復位次引舉用官舉用匣跪置於案上舉用

官執笏興降復位次引舉寶官搢笏跪舉寶盃興職掌
先捧寶案升詣殿上香案前置於褥位北向跪奠寶盃
舉行次引太傅搢笏捧寶升殿至褥位北向跪奠寶盃
於案上太傅執笏興少退稍西褥位東向立次舉寶官
執笏興少立次引讀寶官升殿至寶案後北向立舉寶
官搢笏跪舉寶次讀寶官搢笏跪讀寶訖執笏興次引
太傅及讀寶官俱降復位立舉寶官奠寶於盃興次舉
寶盃興職掌先捧寶盃案於殿上稍東褥位位置定舉寶
官舉寶盃跪置於案上舉寶官執笏興降復位禮直官
贊太傅躬拜在位官皆再拜訖並退時值雨或霑立
班官並用寶及祇
應人並隨宜
立班升降歸幕次易吉帶詣後殿門外立班進名奉
慰訖退

鼓吹警場挽歌

乾道三年七月九日禮部太常寺言將來大行皇后梓
宮發引并前夕依禮例合用挽詞唱和執色挽歌并發
引前夕沿路至橫宮陵所並合排設警場鼓吹修撰詞
典今檢照懿節皇后禮例申請下項 一合用挽詞係
翰林學士中書舍人共撰二十首 一挽歌人數今比
附用三十六人今乞勒挽歌節級踏逐會解唱和之人
拘收赴寺教習 一挽歌合用服著青襪衣油畫冠等
并執色鈴鐸事件乞下文思院製造 一今來所撰挽
詞才候降下依例合閱習一月至期呈搜前夕唱和及
發引前導引至橫宮至掩橫一切了畢放散 一依國
朝故事靈駕發引合用導引六州十二時詞典今乞依

例具腔譜申學士院修撰降下教習 一警場合用金
鉦十二人鼓角手各六十人逐色教頭五人管押人員
三人部押使臣一員乞令殿前司就差金鼓鳴角并合
用武嚴指揮教頭三人依例於太常寺見管人內差撥
一鼓吹合用鼓吹令丞職掌府典史引樂官一十人
內除見管令丞外依例差太常寺人吏充攝歌色一十
六人箏篋色三十人笛色三十人簫色八人大鼓一十
六人小鼓一十六人節級一名金鉦四人共用一百二
十一人其所差鼓吹鼓色人昨紹興十二年係借差鈞
容直今乞依例於殿前馬步三司均差會解樂藝識字
之人充攝事畢發遣 一所有警場鼓吹挽歌欲乞定
日總護使頓遞使都大主管葬事所管官并禮部太常

寺官按習係與鐘鼓院金吾街仗司同日按習乞於貢
院詔依

挽詞

其一

上主周南化真同麟趾詩來符柔順德有助太平基種
桂當年美禕禴此日悲六宮思婦則遺訓有餘師

其二

帝遣皇英女來濱虞汭門鈞陳元自近天極有常尊寶
用彌文在徽名古制教所嗟弓韞祝曾不報姜嫄

其三

未植長生木先開白柰花風流縹緲館腸斷濯龍車蘭
殿成陳迹蓬壺有舊家悠悠赤山道烟月送悲笳

淑德膺天眷其四

淑德膺天眷坤寧敞殿闈未聞留玉璵俄已掩金扉禮
意存椒壁功勤見鞠衣南山孤月在澹澹不成輝

其五

儷極身方貴乘雲質已僂定從金母燕不數月娥賢彤
管傳新史清詩藹舊篇豈知生是夢惟有淚如川

其六

璧月循黃道軒星映紫闈六宮節儉節八表詠音徽翟
茀前驅是龍帷去路非柏城無白日揮淚掩容衣

其七

德配崑山氏人言夏后孫二南風化盡一旅典刑存蘭
殿秋聲早椒房曉日昏傷心五雲畔悲憤擾乾坤

其八

漠漠乾坤大寥寥族望雄神謨夏后氏隱德漢黃公貴
女開邦媛徽音嗣國風若為天不弔一旦玉繩空

其九

早預虞嬪降親承代邸思潛龍見真玉瑜翟儷天閣蘭
殿音容盛椒塗禮數尊西風今夜月忍自照黃昏

其十

儷德光千載仁聲浹四方游龍戒車馬吐鳳有文章締
綌有朝御房櫳漫夕香猶堪付彤管椽筆寫遺芳

其十一

不見朝黃道猶疑闕紫闈坤儀方厚載月魄竟淪輝玉
座悲歡異金輿寂寞歸梁間雙燕語似說故時非

其十二

穰穰都門道遺儀感路人龍輶成永訣鷺鷥儼橫陳西
極僊遊遠南山吉兆新蕭森柏路何以夜臺春

其十三

皇以中天運居然內治修龍樓朝望朔鹵館奉春秋水
殿人何在雲輶輓莫留西風湖上路笳吹擁行輶

其十四

魚貫承恩日鷄鳴問寢時聖傳仍翰墨能事更聲詩共
擬周南應翻成楚些悲昭文琴不鼓那忍問成虧

其十五

玉勝題祥兆璿衣媿至尊柔儀高馬鄧懿德邁娥嫛驚
掖空陳迹霓軒即異恩傷心踰七夕素柰不勝繁

其十六

圖史懷規鑒篇章妙剪裁承顏記金屋委化勿泉臺幽
壤湖山秀清笳道路哀玉繩秋既望猶化翟車來

其十七

鬱鬱南山路空瞻鳳翼紅薤歌淒曉露蘭殿慘秋風故
劍恩仍在中璫事已空祗應彤史筆能為記陰功

其十八

時節家人禮從容父子歡母儀天下順婦道四方觀玉
冷衣銷鳳塵昏鏡掩鸞前春勸蠶事無復上桑壇

其十九

儼戒言猶在尊榮事已非秋高天雨泣僊去月沈輝椽
筆空遐想椒塗定不歸可堪聞卹典華夏涕沾衣

其二十

儀天初作合遡日自同休身有憂勤志家無恩澤侯月
方沉厚夜春不返長秋典策哀榮備難紓萬國愁

鼓吹

黃鐘羽 導引

金殿晚愁結坤寧天下母忽僊昇雲山浩浩歸何處但
聞空際綵鸞聲紫蕭斷後無踪跡煙靄靄夜澄澄曉夢
到瑤城當時花木正冥冥

六州

娟娟月初未闕忽沉西桂枝殘寒兔下惟見露脚斜飛
六宮歌未奉瑤墀一朝寂寞掩禕衣夜星不動玉鸞嘶
沉沉何處愁霧鎖金扉羣僊瞻道範肅駕到蓬池紫

清逸轡飛電奔馳又誰知世一柔儀椒塗玉鈿金螭贊
聖主膺天命功勤曾佐雍熙三天隔玉闈低迷五雲高
絳府參差往事如今好尋思留得香牋縷管寫新詩但
看芳猷美寶冊傳徽隆名萬古昭垂

十二時

皇家景運合無疆天子坐明堂豐年多黍四方爭報時
康酒常清花易好壽君王天公見玉女大笑億千場不
知椒塗暗淡瑤殿淒涼寶鏡玉臺光可柰畫眉人去脂
澤散餘芳極目望瀟湘波遙草遠只見殘陽南山古阜
松柏茂蔚蒼蒼香靄宮商風過金玉琳琅導歌繁巖鼓
近慘悲傷水凝愁山橫恨煙暗雲黃神山河在蟠桃已
遠若木何長最難堪回翟雉返鸞凰音容遠別殿謾焚

香

釋服

乾道三年六月二十六日禮部太常寺言今來皇后上
僊今參照顯恭皇后故事皇帝成服七日而釋百官三
日而釋諸道州府訃告到日長吏率文武官舉哀服成
三日而除今欲乞依上件典故詔依

三十八日禮部太常寺言今檢照典故下項 一建隆
年六月二日昭憲皇太后崩太常禮部言皇弟泰寧

節度使

太宗舊名

嘉州防禦使光美並服齋衰三年准故

事合隨皇帝以日易月之制二十七日釋服二十七日
而禫除畢服吉服心喪終制從之 一景德元年三月
十五日明德皇后崩太常禮院言准昭憲皇太后禮例

宗室雍王已下禫除畢吉服心喪終制從之 一今來
大行皇后上僊所有皇太子皇子今欲比附上件典故
二十五日釋服二十七日而禫除服吉服心喪終制詔
依

七月一日禮部太常寺言今來大行皇后上僊其七月
八日皇帝行釋服之禮緣是日皇太子皇子所服未除
今欲乞俟將來皇太子皇子釋服并禫除日詣大行皇
后梓宮殿前行燒香之禮詔依

二日禮部太常寺言將來皇帝為大行皇后釋服日依
懿節皇后禮例詣几筵前行祭奠之禮今比附成服登
奠禮例下項 一合用祝文一首 述以為大行皇后所
釋服行祭奠之意
有合用御香香案器皿及設御幄裯褥百官幕次差前

導讀祝文官侍香捲簾內侍官等並乞依成服禮例
一釋服日欲乞依禮例皇帝自內侍官服期服詣大行
皇后橫殿御帳俟太常卿奏請訖權易忌日之服俟行
禮畢歸帳易吉服還內一應行事執事陪位官赴大
行皇后橫殿依禮例並合權易黑帶去金玉飾俟禮畢
仍舊吉帶一行禮日依禮例文武百僚陪位立班是
日百司欲並作休務假一日一作懿節皇后上僊皇
帝釋服訖其期服於利方焚燒今來大行皇后上僊皇
帝釋服訖其期服欲乞依典故令太史局差剋擇官指
引利方焚燒并差監視燒燎官一員乞下入內內侍省
差合用柴草乞下諸司排辦詔依

釋服行禮儀

其日時前禮直官太常博士太常卿先詣帳前立俟皇
帝自內服期服詣大行皇后橫殿側御帳即坐簾降次
禮直官太常博士引太常卿當帳前俛伏跪奏稱太常
卿臣某言請皇帝為大行皇后釋服行祭奠之禮奏訖
伏興退復位立俟皇帝釋期服易忌日之服訖御史臺
閣門太常寺分引文武百僚權易黑帶入詣殿門內外
隨宜立班定俟禮直官先引讀祝文官詣大行皇后橫
殿前香案之西東向立閣門報班齊在位官皆再拜訖
簾捲禮直官太常博士太常卿前導皇帝出帳由殿階
詣大行皇后几筵香案前奏請上香再上香三上香內
侍進茶酒又奏請酌茶奠酒再奠酒三奠酒奏請少立
讀祝文官搢笏東向跪讀祝文訖執笏興退奏請皇帝

舉哭在位官皆舉哭俟哭止又奏請皇帝致欽不拜前導官前導皇帝在位官皆再拜訖俟皇帝歸幄次文武百僚前導官退皇帝就幄易吉服還內次文武百僚易吉帶詣後殿門外進名奉慰訖退

啟櫛

乾道三年七月六日禮部太常寺言將來大行皇后發引行啟櫛啟奠祖奠遣奠之禮今檢照典故申請下項一乾德二年三月二十七日孝明皇后櫛宮羣臣服初喪之服臨于庭二十八日神柩自茲德殿發引帝于明德門外素服設幄行遣奠之禮一至道元年十月二十一日太常禮院言十一月一日孝章皇后啟櫛宮二十九日太常禮院言自上啟櫛至遣奠逐祭儀注詔

啟櫛宮啟殿祖遣四祭並遣監護使郭贄攝太尉祭一景德四年五月二十九日章穆皇后啟櫛宮帝親臨酌奠六月八日發引帝素服行遣奠之禮一懿節皇后梓宮發引當時與顯肅皇后同時發引其日皇帝親行啟奠祖奠遣奠之禮一顯仁皇后梓宮啟櫛總護使先行奏告禮畢皇帝親行啟櫛祭奠之禮十六日靈駕發引皇帝親行啟奠祖奠遣奠之禮一檢照前項啟櫛等典禮並皆不同所有將來梓宮啟櫛日今欲參照已行殿櫛禮例俟啟櫛時前令總護使行行祭告禮畢有司捧遷梓宮啟殿安奉訖皇帝行啟櫛祭奠之禮其啟奠祖奠二祭欲乞令總護使行禮及俟梓宮發引皇帝行遣奠之禮詔依

宋會要九日左右金吾衛仗司言將來大行皇后發引嚴更做

場合差押當官一員職掌二八
十八人前期教習唱和警場從之

十五日禮部太常寺言將來梓宮啟櫬訖皇帝行啟櫬
燒香禮合行事件 一啟櫬皇帝服素行燒香禮禮羣
臣以初喪服自是日一臨至發引皆如之乞用昨發哀
入臨官立班并發引前一日晝漏未盡三刻入臨合差
定時剋擇官乞就差都大所剋擇官 一啟櫬所有陪
位立班官今參照殿櫬禮例於殿庭立班官易初喪之
服陪位其班于殿門外官更不入陪位止令常服黑帶
以俟奉慰畢退及內庭諸色人只服本色服 一依禮
例自啟櫬至三日至祔廟並前殿不坐仍自啟櫬至發
引前後殿不視事宰執除啟櫬日并發引前一日外餘
日赴內殿奏事 一依禮例啟櫬畢合行奉慰今乞俟

啟櫬行禮畢文武百僚並詣後殿門外進名奉慰是日
百司作休務假一日 一合來合於櫬殿東廊權設青
素帳并合用裊褥等乞下儀鸞司排辦 一合用祝文

一首

述以為大行皇后啟櫬畢梓宮還殿皇帝行燒香禮之意

乞下學士院修撰

一合用御封降真香一合乞下入內內侍省請降 一
供養食并茶酒果上香炭香爐匙合蠟燭燎草等乞令
都大主管諸司排辦 一合差讀祝文官一員乞差史
官前導太常卿一員贊引太常卿太常博士一員乞差
太常寺官合差捲簾侍香并進茶酒捧祝版執燭內侍
乞下入內內侍省差詔依

十六日禮部太常寺言將來梓宮啟櫬日時前令總護
使先行祭告禮今比附合行事件下項 一時前祭告

行禮官依禮例就差總護使行禮 一合用御封降真

香一合祝文一首述以大行皇后啟橫時 一供養茶

酒果祭食并香案香爐匙合上香炭火燎草拜褥等係

諸司排辦 一合差讀祝文官一員乞差太常寺官詔

依

同日都大主管所言准尚書省劄子將來梓宮啟橫日

辰時刻太史局選用閏七月二日丁卯吉時用其日乙

時於橫所正南偏東丙位啟橫詔依寺言閏七月二日

郊時八刻後啟橫用百官陪位立班緣是日莊文太子

靈柩出葬用成服立班官赴嘉會門外奉辭竊慮趁赴

立班啟橫改用其日丁時詔依

十七日禮部太常寺言將來梓宮發引皇帝親行啟橫

并遣奠之禮其行遣奠禮皇帝所服素服係白羅軟脚

幘頭白羅衫黑銀帶絲鞋見今文思院製造外所有皇

帝親行啟橫禮亦合服素服今欲乞止就用見製造素

服行禮詔依

閏七月一日禮部太常寺言檢照章穆皇后典故啟橫

之日羣臣衰服入臨萬安宮皇帝以素服行遣奠禮迨

至顯仁皇后啟橫亦用已行故事今來安恭皇后啟橫

用前項禮例申請羣臣自啟橫至梓宮發引前一日並

用衰服赴臨竊詳今來事體與前項微有不同所有禮

例合隨宜參酌申請 一羣臣已經釋服今來依前項

典故服初喪之服入臨恐以上件服出入宮門有所未

便今欲乞啟橫行禮陪位立班臣僚盡令吉服入宮門

幕次易常服黑帶立班及初八日羣臣門外奉辭亦乞

卷二百八十五 六

依今來所服常服黑帶其陪位立班官啟橫行禮時臨
乞餘日更不入臨所有衰服乞今日下毀棄 一已降
指揮啟橫日皇帝用素服行禮緣今來陪位立班官乞
以常服黑帶所有皇帝所服亦當參酌合宜欲乞是日
皇帝服忌日之服黑鞋屨帶絲鞋 一所有發引前夕
夜祭并啟奠祖奠遣奠行禮陪位官及會葬從梓宮臣
僚欲乞依已降指揮並服初喪之服至橫宮掩橫奉辭
訖易常服退所有衰服俟禮畢即令毀棄詔依

啟橫時前祭告儀

其日俟排辦足備引總護使常服黑帶詣大行皇后梓
宮香案前北向再拜訖搢笏三上香三奠茶三奠酒訖
執笏挽伏興少立讀祝文官東向跪讀祝文訖總護使

再拜訖俱退

皇帝行啟橫儀

其日文武百官常服吉帶入皇城門幕次合赴殿庭陪
位官就次易初喪之服以俟陪位其班于殿門外官就
次易常服黑帶以俟奉慰俟啟橫訖御史臺閣門太常
寺分引行事陪位官又詣橫殿下就位立班定讀祝文
官於香案之西東向立前導太常卿太常博士禮直官
立於御幄之前皇帝自內服常服至幄次服素服白羅
軟脚襪頭白羅衫黑銀帶絲鞋即座閣門報班齊禮直
官太常博士引太常卿當幄前俛伏跪奏太常卿臣某
言請皇帝為大行皇后啟橫還殿行燒香之禮奏訖伏
興退復位在位官皆再拜訖簾捲前導官導皇帝出幄

諸梓宮香案前上香再上香三上香內侍進茶酒又奏請奠茶奠酒再奠酒三奠酒奏請少立讀祝文官東向跪讀祝文訖又奏請舉哭皇帝舉哭在位官皆舉哭俟哭止又奏請致欽不拜前導皇帝在位官皆拜皇帝歸歸幄簾降陪位前導官退歸幕次換常服黑帶以俟興侍班奉慰文武官並詣後殿門外進名奉慰訖並就次易吉服退

中興禮書第二百八十六卷

凶禮五十一

安恭皇后

發引

乾道三年七月二十日禮部太常寺言今來大行皇后上僊今續次討論到章穆皇后故事發引日皇帝服素服親行遣奠改常服還內羣臣服初喪服不會葬者城外奉辭訖改常服奉慰會葬者揜掩皇堂畢改常服所有將來發引日欲乞並依前項禮例內皇帝行遣奠禮所服素服欲乙至日服白羅軟脚幘頭白羅衫黑銀帶絲鞋令文思院製造御藥院送納詔依同日又言今檢會章穆皇后園陵故事係差五使昨來

昭慈聖獻皇后橫宮並仁皇后橫宮並止差總護使橋
道頓遞使今來大行皇后橫宮差官合取朝廷指揮詔
總護使差居廣頓遞使差史正志

四日御史臺言將來梓宮發引其日文臣百官合排設
路祭一座所有合用真衣綵贈冥器花果香燭齊供道
場等其所用錢乞令應文臣至選人並照本身合得料
錢每貫納錢三十文省欲乞依昨顯仁皇后梓宮發引
例於臨安府送納出給朱鈔將所收到錢乞令臨安府
委官排辦路祭等支使候事畢日具所收并支使過錢
物報本臺照會或有支費不盡錢數令臨安府一面繳
納左藏庫詔依

同日工部言禮部尚書周執羔等劄子今來皇后上僊

今檢照禮例發引日合用大昇輦并龍輜大昇輦合用
牌一面朱漆青地金字係製造官司委官書寫謚號皇
后大輦七字為文及合用哀冊并沿法物欲乞並令工
部下文思院思修製仍乞令本院依昨懿節皇后并安
穆皇后謚冊寶等體例赴太常寺看訖下院製造奉聖
旨依尋下將作監施行據文思院上下界申今來修製
哀謚冊寶并大昇輦龍輜車等法物雖已降指揮令逐
院彩畫圖本齋赴太常寺看詳下院製造竊慮所畫名
件與制度內有聲說不盡去處若再申本寺委是往復
遲誤今欲乞下太常寺專差諳知次第禮直官一名赴
院及作頭不妨本役往來赴院指說樣制色額造作施
行庶合典禮詔依

大昇輦床裏明尺六寸通長一丈一尺八寸床程垂面濶七寸床程厚五

赴橫宮都監收掌俟將來遷奉園陵即依故事入皇堂
安設 一謚冊寶幄禮例發引前一日殿降出付禮部
設於行宮門外用寶幄次俟發引日行遣奠禮訖陳列
於大昇輦前哀用之後導引至橫宮於幄次安設俟掩
橫宮畢却以謚冊寶導引虞主回日謚冊寶依舊交付
本殿官俟導引虞主至太廟其謚冊寶交割付太廟奉
安所收掌詔依

十二日太常寺言准尚書省劄子大行皇后喪事都大
主管所狀今來梓宮橫殯去處已承指揮就安穆皇后
橫宮所有將來梓宮發引合選定利方經由道路門戶
下所屬討論奉聖旨依太史局申將來梓宮發引合出
本殿門頭北出北宮門至和寧門外係是歲空方至都

亭驛新路頭東向南出嘉會門已次委曲經大路轉至
赤山路口頭東至安 后橫宮依得陰陽經書即與

國音別無妨礙太常寺今討論欲依太史局所申事理
其道路乞令道頓遞使司措置詔依

十三日禮部太常寺言將來大行皇后奉謚冊寶并梓
宮發引皇帝親行遣奠之禮依禮例合差太傅一員後
從係差宰臣詔依

十五日禮部太常寺言將來梓宮啟攢訖今具啟奠等
合行事件 一行啟奠祖奠遣奠之禮共合用牙床三

張乞令工部下文思院製造 一發引合用黝三匹

充 緇二匹以熟緇 令太府寺下左藏庫支供詔依

十六日禮部太常寺言將來皇帝親行遣奠禮總護使

行啟奠祖奠禮今條具合行事件 一依禮例發引日百官於城外奉辭依故事並服孝服所有自成服後其文武官至行在者不當別造孝服止合公服黑帶立班今來發引奉辭日今欲並依上件故事施行 一發引日皇帝親行遣奠之禮合差贊導太常卿一員贊引太常卿太常博士一員乞差太常寺官合差捲簾侍香捧幣爵酌酒捧盤匱帨巾拭爵巾監焚燎等內侍乞下入內內侍省差 一擡擎哀用輦官及禮部職掌各乞下所屬差撥 一親行遣奠之禮依儀皇帝詣梓宮前上香不跪致欽不拜所有奠幣奠酒欲奠於香案上其奠酒依殿櫬例就香案上設奠酒孟子所有合用帷次欲乞於和寧門東壁待漏院令儀鸞司排辦 一啟奠祖

奠遣奠行禮儀並合用牲牢禮料實邊豆簋盞設於牙床係太常寺排辦外所有大行皇后梓宮前合設香案麻爐奠酒孟子乞從本殿排辦 一梓宮前竊慮有鋪設供養花版果壘等有妨將來安設牙床行禮欲乞從都大主管所下本殿於至日時前徹去 一行遣奠之禮合差讀哀用官一員舉用官二員進幣爵酒官一員酌酒官一員伏乞朝廷降勅差官 一總護使行啟奠祖奠禮合差奉禮郎太祝太官令各一員欲乞輪差太常寺官詔依

同日又將來大行皇后梓宮發引今條具下項 一依禮例梓宮升大昇舉內侍封鑊檢會昨顯仁皇后靈駕發引起橫宮日不曾封鑊今來梓宮升大昇舉發引日

欲依禮例更不封錄 一行遣奠禮欲乞依禮例太傳

親王總護使及行事侍中等南班諸親倍位內諸親係

本宅一啟奠祖奠合用祝文二首一合用御封降真香三

祖奠之意乞下學士院修撰 一合用御封降真香三

合乞下入內侍省請降 一啟奠祖奠遣奠行禮合

用幣帛三段各長一尺令戶部下左藏庫支供及合用羊

豕各三副羊豕各一乞下臨安府收買其合用禮料酒

齊等乞具合用數報臨安府排辦內啟奠祖奠交割付

本殿及差殿內幕士等擡擊鋪設畢擡出 一合用盥

洗盤匝并巾乞下文思院製造 一昨懿節皇后梓宮

發引前一日奏告行在宮觀及祭告經過十里內祠廟

內宮觀乞申請差官備酒脯幣帛修寫祝文行禮今來梓宮

發引前一日欲乞依前項禮例施行 依禮例梓宮

發引前一日總護使行夜祭之禮俟行禮畢退其挽歌

初更入殿祇應至初更後並令出殿今來梓宮發引前

一日欲乞依禮例施行其合用燈燭并供養食茶酒果

香等乞令諸司排辦其祝文下太史局排辦 一依禮

例梓宮發引前一日呈拽按視車輦方相大昇輦并一

行儀衛僧道等從總護使同都大主管官合隨從外其

日行遣奠禮畢除總護使并都大主管官合隨從外其

餘行事侍中已下倍位訖並乞依故事先赴橫宮內隨

從官吏等沿路若值雨許施雨具 一發引日其親王

南班宗室并本宅諸親俟前遣奠陪位訖後從梓宮升

大昇輦至橫宮俟掩橫宮畢奉辭訖退 一發引并掩

寶鼎堂
橫係同日乞行一就祭告安穆皇后橫宮其祭官告乞
依例係總護使司行下大宗正司差南班宗室一員前
一日赴橫宮致齋所有合用御封香祝文乞依例闕報
所屬請降合差太祝一員并合用供養茶酒果等乞報
臨安府差官及依自來祭告禮例排辦 一發引日沿
路等合用御封降真香具數報入內內侍省請降 一
橫宮合用梓宮待時幄次乞下頓遞使司行下所屬相
度釘設所有方位乞令都大所剋擇官指引利方 一
依禮例將來掩橫宮日總護使率應在橫宮官進表奉
慰詔依

十七日禮部太常寺言梓宮發引至橫宮今條具下項
一發引日其方相買道輿等除綵結物色外其餘大昇

輦方相買道輿等候至橫宮日依故事合於橫宮外焚
燒所有焚燒方位乞下都大主管所就差本所剋擇官
指引方位 一大行皇后重侯至橫宮日即乞隨方相
等於利方焚燒所有銘旌黹纁贈玉乞依例隨梓宮於
神穴內安設詔依

二十七日禮部太常寺言梓宮發引合差侍中一員奏
請梓宮升降進發權駐太傅一員持節導梓宮監掩橫
宮少傅一員率捧梓宮官奉升大昇輦并攝少保復土
九鋪太常少卿一員率執翼障梓宮監察御史一員監
掩橫宮少府監一員進龍輜將作監一員捧梓宮登龍
輜兼掩橫宮贊引太傅持節導梓宮太常士一員伏乞
降勅差官詔依

二十九日禮部太常寺言將來梓宮發引已降指揮前

一日奏告行在宮觀所有合用御封降真香一十四合

青詞二首祝文一首並述以安恭皇后梓宮發引前一日奏告之意蒼幣四段

白帶一十段各長一丈八尺并合用禮料酒燭及差奉禮郎以

下行事官等並乞令太常寺依自來奏告禮例關報所

屬差官排辦其合差奏告官乞降勅差詔依

閏七月三日禮部太常寺言梓宮發引今比附條具下

項一梓宮發引行遣奠禮皇帝所服欲乞依啟橫禮

例供進忌日之服其後從太傅并應奉前導等官並常

服黑帶一梓宮發引行遣奠禮依已降指揮是日皇

帝出祥曦殿乘輦詣和寧門外帷次俟梓宮升大昇輦

訖行遣奠禮其所設帷次於和寧門裏東壁隨地絞縛

及合用露屋並令儀鸞司同臨安府排辦今欲乞是日

皇帝自內服常服出苑西便門詣帷易忌日之服以俟

行遣奠禮畢歸帷釋忌之日服服常服還內所有合用

禁衛等乞令禁衛所有度施行所有大昇輦欲乞於和

寧門外近門安設以俟梓宮降龍輜升大昇輦安卓訖

行遣奠禮畢次用杆杖絞縛捧擎進發詔依

四日禮部太常寺言梓宮發引掩橫宮今參酌到合行

事件下項一發引日文武百僚赴嘉會門外奉辭訖

赴後殿門外進名奉慰并是日掩橫時文武百僚亦合

詣後殿門外奉慰契勘今來同日兩次奉慰委是繁數

今欲乞文武百僚於嘉會門外奉辭訖候掩橫時至文

武百僚詣後殿門外一就進名奉慰一發引日南宮

門并麗正門並依時開門緣是日梓宮發引太傅已下
後從等行禮畢內有合赴嘉會門外奉辭立班官緣至
日梓宮已進發難以前路攙越欲乞至日梓宮發引行
禮畢換常服吉帶入和寧門出麗正門赴嘉會門外易
衰服奉辭今欲乞是日南宮門并麗正門比常日早三
刻開放令太傅以下後從等赴赴奉辭詔依

哀冊文

維乾道三年歲次丁亥六月丁卯朔二十五日辛卯安
恭皇后崩于坤寧殿七月壬寅殯于殿之東南隅粵閏
七月發酉遷座于叢宮禮也東渚星高西陵月下縞紼
前馳雕輜肅駕動永愴於終天隔徽音於厚夜皇帝情
深邦媛禮重長秋問靈宮之既啟嗟總帳之將收乃即

賓階是臨遣奠爰命辭臣奉揚芳憲辭曰惟昔有妣功
被萬世席慶流光發祥隕祉珠躔炳靈瑤魄降瑞際于
休明生此淑懿韞輝素里育德仁門淑問不已德儀攸
尊恩於堯母慧心彰聞見于內殿柔風益芬軒象應符
蘭闈鍾粹代邸膺歷重華協帝黃龍緬采紫宮正位體
極坤元尊如天妹內輔陰教旁禪政機訓組致力璵璠
有儀覃葛播美睢鳩在詩家道以正王化之基絲枲是
飭種種是共頻御蘭館希從濯龍喜不失節怒不變容
惠有卹恩無濫封處約戒奢懷冲履素服練斥華脫
簪知度領畧風雅披韶濩辦有微言詩多奇句貴則
儷極尊惟承天既備五福宜膺百年忽六氣之淫厲嗟
二童之夢言顧甚迫之短景曾不留於逝川嗚呼哀哉

龜策告猷龍輻御轍雲物結而淒凝蕭鼓合而橫咽路
隱隱兮迴重阜旌冉冉兮背雙闕附玉衣兮何之望珠
櫺兮遠訣嗚呼哀哉美蓮娟兮撫宮楹包紅顏兮隕朱
榮指新宮兮離故庭去昭昭兮就冥冥華殿塵兮神眇
眇花欄萋兮草青青屑兮不見超兮西征嗚呼哀哉遺
組香兮猶穠故鞠蛛兮未封寶瑟委兮弦齒斷玉臺移
兮鏡奩空象服具兮疑曉房櫳虛兮多風波浪深兮雌
劍竟去水霜苦兮別鶴無蹤嗚呼哀哉半波絕源中春
掩媚天理莫知人心是瘁雖怛化之有中竄垂芳之長
在惟德行之可傳塞天淵而不昧嗚呼哀哉

總護使行啟奠祖奠儀

其日有司設牙床牲牢襪禮訖啟奠時前引奉禮郎詣

殿上西向立太祝詣殿上東向立太官令於酒樽所後
北向立太史局報時前二刻禮直官引總護使詣殿下
褥位西向立禮直官揖躬拜訖詣盥洗位盥手悅手詣
爵洗位洗爵拭爵升殿詣梓宮前酒樽所西向跪執爵
俟太官令酌酒訖興詣梓宮前跪上香再上香三上香
奉禮郎奉幣總護使受幣奠幣執爵三祭酒奠爵俛伏
興少立太祝跪讀祝文訖興總護使再拜訖降階復位
禮直官揖躬拜訖退俟有司徹牙床訖祖奠時至禮
直官引侍中詣梓宮前俛伏跪奏稱侍中臣某言 安
恭皇后梓宮進發奏訖俛伏興退復位凡侍中奏請皆
俛伏跪奏訖伏
興俟輦官捧梓宮稍前侍中又奏請梓宮少駐奏訖權
退歸次俟梓宮權置定有司設牙床牲牢禮饌畢以俟

總護使行祖奠禮並如啟奠之儀畢退

皇帝親行遣奠儀

其日皇帝於發引時前一刻服常服出祥儀殿乘輦禁衛

如常儀詣和寧門外帷次降輦入帷簾降易素服即御座

訖次前導官等立於御帷前次禮直官引侍中奏請安

恭皇后梓宮進發初總護使行祖奠之禮少府監太傅

持節導梓宮進發降殿太常少卿帥執翼者分左右障

梓宮親王總護使等并南班及諸親先於別殿門外立

以俟舉哭後從次引侍中詣梓宮前奏稱侍中臣某言

請安恭皇后梓宮權龍輜奏訖退次將作監捧梓宮升

龍輜至和寧門外侍中奏請梓宮權駐升大昇舉少傅

率梓宮官係將作監奉梓宮升大昇舉訖有司設哀用牙床

實升牲牢禮饌畢次引讀哀用官各就位西向立進幣

爵酒官東向立酌酒官於酒樽之後立次引傳傳親王

總護使等南班諸親并行事侍中等詣梓宮前南向立

次禮直官太常博士引太常卿當帷前俛伏跪奏稱太

常卿臣某言請皇帝行遣奠之禮奏訖俛伏興退復位

簾捲前導皇帝出帷詣大昇舉之東褥位西向立次引

太傅後從奏請皇帝盥哭不拜在位官皆舉哭再拜次

內侍進盤匱沃水奏請皇帝盥手內侍進巾奏請皇帝

悅手內侍進爵奏請皇帝洗爵內侍進巾奏請皇帝悅

手內侍進爵奏請皇帝洗爵內侍進巾奏請皇帝拭爵

前導皇帝詣安恭皇后大昇舉香案前又奏請皇帝上

香再上香三上香進幣爵酒官東向跪先進幣次進爵

酒又奏請皇帝受幣奠幣執爵三祭酒奠爵並于香案
上又奏請皇帝少立哭止次舉用官跪舉用讀哀用官
西向跪讀哀用訖又奏請皇帝舉哭不拜在位官皆舉
哭再拜前導官前導皇帝歸幄並哭止太傅已下并前
導官並退內合赴橫官次禮直官引侍中奏請梓宮進
發有司率僧道各執威儀鑼鈸道具并應奉車舉法物
及儀衛執持儀物人前引梓宮進發皇帝易常服還內
如來儀

奉辭儀

其日百官先赴城外幕次易初喪之服俟安恭皇后梓
宮將至有司設香案定御史臺閣門太常寺集百官立
定禮直官引班首已詣諸班前立定俟梓宮至禮直官

贊躬拜在位官皆再拜次引班首詣香案前上香再上
香三上香復位立班首舉哭在位官皆舉哭俟哭止禮
直官贊躬拜在位官皆再拜奏辭訖權退立俟大昇舉
過並退易吉帶入麗正門至後殿門外幕次易常服黑
帶進名奉慰訖易吉帶退出和寧門所有將來奉迎虞
黑帶班首揖笏上香如儀唯不舉哭奉慰于城外是
閏七月八日梓宮進發百官常服黑帶奉慰于城外是
日申時掩橫官百官進發百官常服起後殿門進名奉慰于城外是
率應在橫官進表奉慰起後殿門進名奉慰于城外是
親屬並隨從餘行事官侍中已下並俟遣奠臨安
赴橫官梓宮至橫官并掩橫各前一合奏告于安穆
橫官以發引掩橫
同日乃一就奏告

掩橫

乾道三年七月十七日禮部太常寺言今來大行皇后
梓宮發引至橫宮行遷奠并掩橫宮今參酌合行事件

下項 一遷奠行禮官依禮例差總護使 一掩橫官
行禮官依禮例差太常卿 一遷奠并掩橫官各合差
奉禮郎太祝太官令各一員並乞輪太常寺官如職事
相妨乞報臨安府差官 一合用祝文二首一首述以遷奠之意
橫官之意御封降真香二合 一遷奠并掩橫官各
合用禮料酒齊羊豕等報臨安府排辦 一合用白幣
二段各長一尺一合用香爐匙合炭火燎草等乞下諸司
排辦 一依禮例梓宮到橫宮捧梓宮升獻殿權安奉
以俟遷奠掩橫官 一將來掩橫官時欲乞依禮例文
武百僚常服黑帶於後殿門外進名奉慰所有掩橫官
定時剋擇官下太史局差詔依

遷奠掩橫官儀

用閏七月八日

其日俟大昇輦至橫宮侍中詣大昇輦前俛伏跪奏稱
侍中臣某言請梓宮降輦升龍輜詣獻殿奏訖俛伏興
有司捧梓宮升龍輜入獻殿訖俟掩橫官時前行遷奠禮
有司於梓宮前陳設祭器實牲牢禮料畢先引倍位官
立定次奉禮郎已下入就位立次引總護使詣梓宮殿
下立定並服孝服禮直官贊躬拜總護使再拜在位官皆拜
拜訖次引奉禮郎太祝太官令各升就位立定次引總
護使詣盥洗位盥手悅手訖詣爵洗位洗爵拭爵詣酒
樽所跪執爵俟太官令酌酒訖興詣梓宮前跪上香再
上香三上香奉禮郎奉幣總護使受幣奠幣執爵三祭
酒奠爵俛伏興少立俟太祝跪讀祝文訖總護使再拜
訖降階復位立又再拜在位官皆再拜訖次引總護使

詣望瘞位立奉禮郎太祝太官令重行立定有司瘞祝幣訖退陪位官以次退俟掩橫宮時至用申時八刻後庚時引侍中詣梓宮前俛伏跪奏稱侍中臣某言請梓宮赴橫宮奏訖俛伏興有司捧遷梓宮赴橫宮畢次太傅少傅監察御史將作監并監掩宮訖次引少傅復土九錘太史招神靈上神帛

奉辭并掩橫畢行饗禮儀

掩橫畢禮直官引總護使并行事官本司官屬詣安恭皇后橫宮再拜奉辭訖初招神靈上神帛訖次有司排辦牲牢禮饌訖禮直官常服黑帶引奉禮郎太祝太官令立定引太常卿詣橫宮殿下立禮直官贊躬拜太常卿拜奉禮郎以下皆再拜訖奉禮郎以下升就位引太

常卿詣盥洗位搯笏盥手悅手洗爵拭爵執笏升詣樽所搯笏跪執爵俟太官令酌酒訖執笏興詣橫宮殿上搯笏跪上香再上香三上香受幣奠執爵三祭酒奠爵執笏俛伏興少立俟太祝讀祝文訖請再拜訖降復位禮直官贊躬拜在位官皆再拜訖引詣望瘞位南向立奉禮郎太祝太官令重行俟焚瘞祝幣訖次內謁者詣虞主幄次內浴虞主訖以白羅巾拭訖內謁者捧虞主升腰輿次捧腰輿官扶夾侍官以次捧虞主腰輿升橫宮獻殿穴上南向權置定次引扶夾侍啟匱訖內謁者北向俛伏跪奏稱內謁者臣某言請安恭皇后神靈上虞主奏訖俛伏興少頃內謁者再詣腰輿前俛伏跪奏稱內謁者臣某言請安恭皇后虞主降輿升座內謁者

捧遷虞主即座以青羅巾蓋之腰輿升座內謁者祭之禮

御容

乾道三年七月十七日禮部太常寺言將來大行皇后梓宮至櫬宮掩櫬畢下宮安奉御容乞依禮例差太常少卿行奉安燒香之禮合用御封香一合乞令入內侍省請降其供養牙盤食茶酒果器皿香案香爐匙合奠茶酒鈔鑪盆臺拜席褥等並下臨安府排辦詔依閏七月十一日龍圖天章寶文顯謨徽猷敷文閣奏近承降到安恭皇后御容二軸赴閣一軸內中神御殿崇奉一軸本閣神御殿收奉本閣已於幃內權行安奉外今據禮直官開具到合行事件一收奉并安奉皇后

御容依見今別廟室次序係於安穆皇后之次今欲乞就安奉日於時前捧遷見安奉神御趨那稍北安奉安恭皇后御容本閣官行燒香禮已後並依祖宗諸后例崇奉一合用御封香三合乞依本閣例於睿思殿外

庫請降

一合奏告本閣祖宗神御并安奉一合告遷安恭皇后御容

一告遷時前本閣官常服吉帶詣神御殿并詣內中神御殿行燒香奏告禮畢俟時告遷安奉行燒香之禮

一依禮例合差援衛親從官五十人肩擎輦官三十二人自本閣捧擎腰輿至祥曦殿門其自殿門捧擎腰輿至神御殿乞差供內儀鸞司一十六人就用本處服色一乞下太史局選迎奉安奉吉日時刻及至日時前告遷安恭皇后御容時并差剋擇官一名詔依

安奉御容儀

有司排辦供養食酒果等備次太常寺少卿常服黑帶禮直官引詣安恭皇后下宮殿下東向立次有司捧遷安恭皇后御容正安奉訖禮直官贊太常寺少卿躬拜次引太常少卿升詣安宮皇后御容香案前搢笏上香再上香三上香跪奠茶三奠酒訖執笏俛伏興請再拜訖降復位禮直官贊太常少卿再拜訖次易吉帶詣安恭皇后攢宮并下宮朝拜訖退

虞祭

乾道三年七月六日禮部太常寺言將來大行皇后上僊依故事虞主回合用翟車緣為儀仗未備止就用已造虞主腰輿差輦官自攢宮捧擎虞主赴本殿今來虞

主回日欲乞依禮例施行其輦官令御輦院計會主管諸司差撥詔依

二十一日禮部太常寺言今來大行皇后梓宮發引掩攢畢行九虞卒哭祭檢照禮例掩皇堂畢陵下設第一虞奉主回通行九虞及卒哭祭畢擇日祔廟今參酌條具事件下項 一依禮例掩攢畢迎奉虞主回詣筵殿權安奉以俟行虞祭及卒哭祭所有几筵殿欲乞就梓宮攢殿作几筵殿 一依禮例掩攢畢行第一虞祭畢就攢宮獻殿權安奉虞主至次日早行第二虞祭畢迎奉虞主回几筵殿下權安 一掩攢畢虞主回合於几筵殿權安奉係本殿官照管以俟祔廟所有香爐匙合炭火等乞令本殿排辦及幄次乞下儀鸞司釘設 一

虞主回詣几筵殿權安奉訖皇帝行安神燒香禮畢次
太常卿以酒脯行安神禮合差前導太常卿太常博士
奉禮郎太祝太官令各一員並乞輪太常寺官其行禮
太常卿乞降勅差官所有酒脯等欲乞依自來祝祭禮
例排辦 一合差內謁者一員浴虞主并奏請神靈上
虞主并合差捧腰輿內侍四員扶持夾侍各二員兼安奉虞
主祇應及掩橫畢行九虞卒哭祭及虞主回沿路及本殿
合差內侍官一員幹辦守宿照管并行禮捧遷虞主並
乞下入內內侍省差官仍乞差皇城司親事官八人并
管押一人沿路守宿祇應禮畢發遣 一安奉虞主於
櫝宮獻殿行虞祭禮合用倚卓一副搭席等令臨安府
計會主管諸司排辦 一九虞祭畢祔廟前行卒哭祭

合差行禮官一員依禮例乞差南班宗室正任以上充
一行九虞祭并卒哭祭各差奉禮郎太祝太官令各
一員並乞輪請太常寺官 一九虞并卒哭祭并皇帝
行安神燒香禮并太常卿行安神靈共合用御封降真
香一十二合 一九虞祭合用祝文九首並述以
造官行之意并卒哭祭祝文一首述以前
祭之意及太常卿行安神禮祝文一首述以前
殿禮之意並乞令學士院修撰 一九虞并卒哭祭
及太常卿行安神禮共合用白幣一十一段各長一丈
一九虞并卒哭祭各合用羊豕各一口乞下臨安府收
買并饌造神食御厨工匠乞下御厨差撥 一將來立
虞主并神主祔廟所有浴虞主神主各合用擅沉箋節

香末各半兩柴二十五斤下臨安府排辦 一行禮日
合用香爐匙合上香木炭燈燭燎草並乞令神主祔廟
都大主管所下所屬排辦內燎草乞令主管諸司一面
報皇城司照會放入其幣帛祝文乞依例俟行禮畢交
割付几筵殿官一面焚燒 一卒哭祭行禮日依禮例
皇帝不視事俟几筵前行禮畢文武百僚詣後殿門外
進名奉慰 一奉迎虞主回几筵殿皇帝行安神燒香
禮合設御幄施簾乞下儀鸞司釘設并排辦黃羅裯褥
奏請紫褥 一自攢宮捧擎虞主腰輿回赴本殿合用
綵結殿子乞下儀鸞司絞縛及輦官乞下御輦院差撥
所有威儀僧道等并執持儀物人並乞就用發引日威
儀等人充詔依

二十八日禮部太常寺言將來安恭皇后掩櫬畢立虞
行九虞祭今排定日分閏七月初八日掩櫬宮獻殿宮
獻殿行第一虞祭九日早就攢宮行第二虞祭畢迎奉
虞主回几筵殿權安奉十日行第三虞祭十一日神主
祔廟受誓戒十二日行第四虞祭十三日行第五虞祭
十四日行第六虞祭十五日行第七虞祭十六日行第
八虞祭十七日行第九虞祭十八日行卒哭祭二十一
日皇帝行寧神禮畢次迎奉虞主赴太廟次有司祔行
廟禮詔依

閏七月三日禮部太常寺言將來安恭皇后虞主還殿
皇帝行安神燒香禮及祔廟日行寧神燒香禮依儀太
常卿太常博士前導奏請不載百官陪位今相度既無

百官陪位其前導官亦不合用今欲乞俟將來虞主赴
几筵殿安奉訖皇帝行安神燒香之禮及祔廟日皇帝
行寧神燒香之禮並如宮中之儀詔依

五日御史臺閣門太常寺言已降指揮虞主回赴几筵
殿文武百僚於錢湖門外奉迎虞主今來相視到自錢
湖門外一帶街道窄狹難以立班所有淨慈寺前地步
寬展今欲乞是日文武百僚於淨慈寺前立班奉迎及
就貼設本寺充宰執以下百僚待班幕次如值雨沾濕
三門上立班

拜仍免詔依

虞祭儀

有司排設牲牢禮饌訖行事官各服常服黑帶贊者引
奉禮郎太祝太官令詣殿北向立禮直官引太常卿詣

殿西向立禮直官贊躬拜太常卿拜在位官皆再拜訖
次引奉禮郎以下升就位立引太常卿詣盥洗位搯笏
盥手悅手執笏詣爵洗位搯笏洗爵拭爵執笏升殿詣
酒樽所搯笏跪執爵俟太官令酌酒訖執笏興引太常
卿詣虞主前搯笏跪上香再上香三上香受幣奠幣執
爵三祭酒奠爵執笏悅伏興請少立俟太祝讀祝文訖
請再拜引降階復位禮直官贊躬拜太常卿拜在位官
皆再拜訖引詣瘞位南向立奉禮郎以下重行俟焚
瘞祝幣訖班退

中興禮書續編卷二百八十七
凶禮五十二

安恭皇后

祔廟

儀注與安穆皇后神主祔廟儀同更不重載

乾道三年七月六日禮部太常寺言今來大行皇后上

僊今參酌禮儀條具下項 一掩橫宮畢并神主祔廟

依故事合用虞主一神主一大匱二小匱二腰輿二汲

水鐵絡桶二全矮香案二座紫羅衣白羅拭巾一長八

筆硯墨二副青羅巾一長八行障二紫羅衣襯藉神主虞

主紫羅褥子二浴斛二跌座二褥子直几二衣子油絹

帕二各三單匱紅羅夾帕二各三並令工部下文思院

修制 一依禮例俟文思院修制虞主神主畢內虞主

於几筵殿交割神主於太廟奉安所交割所有今來大
行皇后虞主修製畢交割付別殿俟發引前二日交割
付都大主管所諸司差輦官捧擎今欲乞依禮例施行
其神主赴太廟奉安所交割 一依故事虞主合於別
廟殿後瘞埋檢會昨懿節皇后虞主緣為係行在即不
瘞埋俟奏請神靈上神主其虞主俟祔廟畢赴太廟用
寶殿權行安奉俟將來迎奉太廟還闕依故事施行今
來大行皇后虞主欲乞依上件故事俟祔廟畢赴太廟
用寶殿權行安奉詔依

十七日禮部太常寺言將來大行皇后梓宮掩攢畢奉
迎虞主回俟虞祭畢奉迎虞主并神主祔廟依故事合
差禮儀一員係差宰臣都大主管官一員係差入內內

內侍省官充詔依

二十五日禮部太常寺言安恭皇后神主祔廟依禮例
合用鼓吹導引至太廟排設登歌宮架樂舞行禮其鼓
吹詞曲并樂章依例申學士院修撰其餘應合行事件
並乞依昨安穆皇后祔廟已得指揮施行詔依

同日又言勘會行卒哭祭畢迎奉虞主行寧神禮今比
祔條具下項 一依禮例虞祭畢神主祔廟日皇帝自
內服幘頭紅上蓋紅鞋屨帶絲鞋詣虞主前行燒香之
禮其行安神禮亦乞供進上件所服 一行寧神禮虞
主前合用香案香爐匙合炭火乞令祔廟都大主管諸
司排辦 一合用御封降真香 一合詔依

二十七日禮部太常寺言將來安恭皇后虞祭畢迎奉

神主祔廟今參酌合行事件下項 一神主祔廟
例合前二日奏告天地宗廟社稷宮觀所有差官并排
辦事件欲乞依自來奏告禮例申闕所屬差官排辦
一合差書題神主官一員依禮翰林學士或侍從官
一神主祔廟前一日宰齋于都堂陪位百官齋於本司
其無本司官齋於貢院員僚齋於本營廳事 一神主
祔廟先行祔謁太廟之禮次行祔謁別廟懿節皇后之
禮合用紫羅拜褥二領令工部下文思院製造 一神
主祔廟依禮例合先行祔謁之禮次祔饗於始祖之下
所有徽宗室戶外西向合設帷次乞下儀鸞司同臨安
府釘設 一神主祔廟日依禮例皇帝不視事祔廟行
禮畢文武百僚詣後殿門外進名奉慰仍乞百司作休

務假一日及次日作歇泊休務假一日 一神主祔廟
其行事執事官合前十日受誓戒於尚書省並並日起
本司致齋其合用禮料羊豕酒齋等並乞令臨安府排
辦 一神主祔廟合行饗太廟別廟禮合差三獻等官
並乞依安穆皇后祔廟禮例差官 一今來祔廟欲乞
依禮例令親王及行在應南班宗室趁赴騎導俟皇帝
於几筵殿行寧神燒香禮畢還內親王南班宗室自几
筵殿門外步導出和寧門外騎導至太廟櫺星門外下
馬步導至權安奉幄次訖權退以俟陪位立班 一依
禮例文武百僚並服吉服陪位立班欲乞下御史臺閣
門申請 一迎奉虞主詣太廟及神主祔廟依禮例合
用本殿儀衛及執打從物等導引起太廟今來欲乞令

都大主管所關請見今本殿從物等至日導引赴太廟
事畢送還 一神主祔廟依禮例其謚冊寶於虞主前
陳列至太廟今欲乞令禮部量人數差撥職掌援衛照
管詣太廟俟祔廟畢交割付太廟奉安所 一合用祝
文一十三首並述以安恭皇 一合用祝
皇后祝文一首別述以安恭皇 一合用祝
合用白幣一十四段各長一尺 一太廟南神門外稍西
東向合設權安奉虞主神主幃次乞下儀鸞司同臨安
府排辦 一依禮例合差威儀僧道各一百人并合差
儀衛輦官親從官及合用執打從物繖扇等其僧道乞
下臨安府差撥其儀衛輦官親從官乞令都大主管所
差撥 一依國朝故事用太常鼓吹左右金吾仗振作

導引至太廟今欲乞依昨安穆皇后神主祔廟禮用細
仗二百人令兵部差撥其鼓吹乞令太常寺比附儀仗
人數條具差撥几筵殿門外導引至太廟行祔廟之禮
詔依

閏七月八日禮部太常寺言今來神主祔廟今具申請
下項 一祔廟行禮時先據太史局申選用閏七月二
十一日丙時竊緣行禮之時正當暑熱慮恐不致恭肅
今欲改用其日甲時行禮 一今來改用甲時行禮欲
依行禮前六刻開和寧門北宮門外几筵殿門并太廟
門以俟迎奉虞主赴太廟俟奏請神靈上神主訖行祔
廟之禮其在內經由門戶候虞主出却行關閉依常日
開詔依

十三日禮部太常寺言將神主祔廟依禮例前二日奏告天地宗廟社稷天慶觀報恩光孝觀太一宮所有逐處合差奏告官以侍從官內宗廟以南班宗室充詔依同日御史臺閣門言將來安恭皇后神主祔廟合用文武百僚陪位欲乞至日集文臣應釐務不釐務通直郎以上及行在見任寺監主簿承務郎以上職事官武臣保義郎以上并三衛員僚以上趁赴詔依

神主祔廟

道宮導引

紫鸞飛去玉殿鑠坤寧珠箔儼銀屏僊家不似人間世無處覓雲輶金鋪肅肅湛嚴扃天用下彤庭嘉觴好在新宮薦萬世妥神靈

几筵

乾道三年七月十三日禮部太常寺言今來大行皇后几筵殿依禮例合差都大主管官一員詔依

四年五月二日禮官劄子昨安恭皇后上僊至乾道四年六月二十五日係周期服滿所有見安奉安恭皇后几筵合依懿節皇后典故周期而徹緣有孝明皇后章穆皇后顯恭皇后再期而徹典故不同未敢便行條具詔依懿節皇后典故

十三日禮部太常寺言將來安恭皇后几筵徹坐已降指揮依懿節皇后典故今條具下項 一几筵徹坐日皇帝服忌日之服詣几筵前行燒香之禮仍乞徹坐日前一日前後殿不視事 一合差禮儀使一員都大主

管官一員 一几筵徹坐前一日文武百僚詣几筵殿奠酌及禮儀使詣几筵前早晚上香至日時前行奏告禮 一焚几筵時文武百僚詣後殿門外進名奉慰詔依

二十六日禮部太常寺言今來几筵徹坐今參照典故條具下項 一合差禁衛等係從都大主管所差撥前一日絕早赴本殿更互排立 一合用織扇從物等係所差禁衛計會本殿并御輦院排辦 一徹坐日依典故行在禁屠宰并停決大辟一日 一坐并前一日禁在城音樂及二十五日百司休務假一日徹一焚几筵時刻令都大主管所差剋擇官選定取旨作一焚几筵檐子并臺警輦官裝著儀注全乞依典故下御輦院差

撥計會几筵殿排辦詔依

二十九日禮部太常寺言几筵徹坐依懿節皇后感故是日皇帝詣几筵前行燒香之禮今具申請下項 一

合於几筵殿側設御幄施簾并合用奏請紫褥及殿上合用黃羅褥乞令儀鸞司排辦 一合用御封降真香

一合祝文一首 述以安恭皇皇后几筵禮 一合用上香

炭火香爐匙合等及禮畢掌管焚燒祝文欲乞依例從

都大主管所行下本殿掌管排辦內恭養牙盤食茶酒

果并燎草蠟燭亦乞從都大主管諸司排辦 一合差

侍香捲簾供進酒茶捧祝版執燭等內侍乞下入內內

侍省差 一合差太常卿一員輦導奏請皇帝行禮并

差輦引太常卿太常博士一員乞差本寺少卿博士讀

祝文官一員乞差史官 一几筵徹坐前一日文武百僚入奠合用香并炭火香爐匙合等乞令几筵殿排辦其供養牙盤食茶酒果令主管請司排辦 一合差僧道並一日絕早赴本殿更互從都大主管所具數下臨安府差撥詔依

六月七日禮部太常寺言今參照典故條具下項 一几筵時前乞依禮例禮儀使行禮畢後從几筵赴利方以俟焚几筵 一乞依禮例本殿內人隨從几筵赴利方俟焚几筵畢並易吉服還內 一乞差扶護几筵內侍從都大主管所具合用員數報入內內侍省差一几筵時文武百僚於後殿門外進名奉慰乞下太史局差定時剋擇官一名及合差舉火內侍一員從都

大主管所差官其火燭柴草乞令主管諸司排辦 一几筵依禮例禮儀使都大主管官并行事官及安恭皇后宅親屬陪位官並前一日各於本司致齋無本司者子和寧門外待漏院致齋 一几筵徹坐欲乞前一日親王先行奠醑禮并至日陪位及後從几筵赴焚筵處並乞權易黑帶 一昨降指揮夏執中服衰服終三年之喪所有至日皇帝行燒香禮親屬合赴陪位緣夏執中見服衰服難以入出宮殿門今欲乞至日免令陪位止於皇城門外以俟從几筵赴焚几筵處詔依十二日禮部太常寺言几筵徹坐禮儀使前一日早晚上香行奏告之禮令依懿節皇后禮例條具下項 一合用御封降真香三合祝文一首

述以安恭皇后几筵徹坐時前奏告之意

白幣一段長一丈八尺 一合用上香炭火香爐匙合等及

禮畢掌管燒香祝文並從都大主管所下本殿排辦

一早晚上香合用供養牙盤食茶酒果乞從主管諸司

排辦并時前奏告合用鹿脯鹿鷄祠祭法酒蠟燭燎草

乞下臨安府排辦 一合差奉禮郎太祝太官令各一

員乞差太常寺官詔依

二十三日太常寺言安恭皇后几筵徹坐欲乞六月二

十六日前後殿不視事百司作歇泊休務假一日詔依

几筵徹坐禮儀使時前奏告儀

其日應合赴奏告行事官並服常服守和寧門入詣几

筵殿門外幕次俟有司排辦香火等畢備引奉禮郎太

祝太官令詣殿下北向立次引禮儀使詣殿下西向立

禮直官贊有司謹具請行事贊者曰拜禮儀使拜在位

官皆再拜訖引奉禮郎詣殿上西向立太祝詣殿上東

向立太官令於酒樽所後北向立禮直官引禮儀使詣

盥洗位搯笏盥手悅手執笏詣爵洗位搯笏洗爵拭爵

執笏升殿詣安恭皇后几筵前酒樽所西搯笏跪執爵

俟太官令酌酒訖執笏興詣几筵前搯笏跪上香再上

香三上香奉禮郎奉幣禮儀使受幣奠幣執爵祭三酒

奠爵執笏悅伏興少立太祝搯笏跪讀祝文訖執笏興

禮儀使再拜訖俱降階復位立禮直官揖躬拜在位官

皆再拜訖退

几筵徹坐文武百僚奠酌儀

其日應合赴奠酌官並服常服守和寧門入詣几筵殿

門外幕次俟有司排辦香火畢備御史臺閣門太常寺
執班入詣凡筵殿門之內外隨地之宜立班定班首再
拜在位官皆再拜訖禮直官引班首升殿詣几筵香案
前搢笏上香再上香三上香跪一奠茶三奠酒執笏俛
伏興降階復位立班首再拜在位官皆再拜訖以次退
宋會要閏七月十日外立班進名恭奉皇太后卒哭文
武百僚常服
吉帶赴後殿門外立班進名恭奉皇太后卒哭文
弟夏執中特轉三官新婦神主與加封二等開容鄧伯
濟特補將仕郎二官一神主
次室虞主太廟俟寶殿八神主
事權奉安虞主太廟俟寶殿八神主
并攢官諸侯及應行頓遞使以次等日詔安恭皇節
例取旨于磨勘年差尋親軍步軍都指揮使居廣加檢
推恩各減磨勘年差尋親軍步軍都指揮使居廣加檢
保修奉延福宮使四僊所月見安奉几筵合依節
十特日安恭皇使四僊所月見安奉几筵合依節
后典故周恭皇使四僊所月見安奉几筵合依節
期而微典故周恭皇使四僊所月見安奉几筵合依節

三日詔以尚書都大射蔣希
副却知林肇為都大射蔣希
言除几延一節行官更等各有
節次今依懿節皇例已經裁并
禮儀使三銀絹一節支兩都大
差詔更三銀絹一節支兩都大
羣臣入奠於几筵行禮使及本
是日禮入奠於几筵行禮使及本
禮畢几焚几筵使先禮儀親及
並從几焚几筵使先禮儀親及
百餘於後殿門外進名恭奉皇
停決大辟因一帝慰及前禁日
日百司休務及一月六日詔安
筵殿主官管及一月六日詔安
依人依條回授白身人吏候有
法依人依條回授白身人吏候有

圖書

寶
來
堂

正